

جدران بيروت



الصفحة الرئيسية من جدران بيروت

دعوة عامة من أحشاء المدينة

نُشرت بتاريخ 15 ديسمبر 2014 بواسطة Beirut Walls
نهار الثلاثاء، غداً، الساعة 11 صباحاً في بيت المحامي تحت إشراف نقيب المحامين
يسلم أهالي المفقودين والمختفين قسرياً رئيس بعثة اللجنة الدولية للصليب
الأحمر نسخة عن ملف التحقيقات التي أجرتها اللجنة الرسمية عام 2000



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤

الثلاثاء 16 وقت بتوعا (أو بتوعي) من أحلامك أو كوابيسك، غسّل (ي) وجّك وفرشي سنانك وروح على بيت المحامي وإطلع عالطابق الخامس عالأوديتوريوم. ما تستحي إذا شفت دبلوماسيين أو قضاة... الدعوة عامة... بس المشهد فريد وعجيب خصوصاً ببلد مثل لبنان... مش كل يوم فيك... تشوف مثله... شي غير شكل حقيقة... واو

هاو الناس أهالي مفقودي الحرب اللبنانية اللي عاملين الحفل واللي ما حدن إلتكش فيهم من اللبنانيين ومدّ لهم إيدو خلال كل هالسنيين اللثيمة. هالناس اللي عم بيضيعو حياتهم الضايعة أصلاً، وعم بشرشروها بالشارع من أكثر من 30 سنة بحثاً عن حبايبهم... قديش كان عمرك من 32 بس إنتيه ما بتحل... [وما حدن فاضلهم أو ما حدن عم بردّ عليهم لأنو قضيتهم ما بتحل](#)... سنة؟ مش لأنها صعبة... نحن الشعب اللبناني العنيد حلينا أصعب منها... وكل بلاد العالم كمان حلوا... مشاكل مثلها، المتقدمين عنّا والمتأخرين عنّا طيب كيف ما بتحل ونحن بلبنان؟ ما عم تتحل معنا لأنو ما بتنصرف حصص، ما بتتسبّل بالرشوة... وقت بتلاقي عظمة ما فيك تعرف سلفاً إذا هايدي بتعود لشيوعي أو سني، لماروني أو أرمني أو فلسطيني... أو لشي ضيع... بتبحث عنها أو ما بتبحث يا هملت، وخلص... إذا ما بحثت، أكيد ما حتلاقي شي... شو بتلاقي إذا بحثت، هاي قصة ثانية... وبرنامج الطائفية مع أنو متطور كثير عنّا لهالناس، يمكن DNA بعد ما قدر يخرق سر شو رح تلاقى... بس إذا عملت الدولة فحص ال مبلّى... أصلاً، بلا ما تبحت الدولة، عم يلتقي عظام في الورش وعم تاخذها الدولة وبتكدسها... شو المشكلة إذا تعرفت عليها وردتها لأهلها كمان إذا بين معهم لمين الرفات؟ بدك تشوف «معترين» عم يستضيفوا كبار لبنان وكبار العالم؟... عم تحكي جد؟... بدك تشوف ناس حاملين قضية بتخص آلاف من الناس المفقودة وعشرات الآلاف من أهلهم. ناس من كل الطوائف بدون إستثناء ومن كل جنسيات الناس اللي كانت عايشة بلبنان أيام الحرب... ناس ما إلها زعيم سياسي أو مرجعية دينية، ناس عندها قضية وعرفوا كيف يحافظوا عليها، وما تركوا حدن يلوثها... ناس عرفوا يدافعوا عن وحدتهم من أكثر من 30 سنة... أكيد بلبنان؟ مبلّى بلبنان هالمشهد... والله؟ إيه والله... ما كنت عارف أنو في هيك شي وقت بتنق وبتكرت عالشعب، ما هيك؟... هالمشهد رح نعملوا مجاني كرمالك بس قوم غسّل وجّك... حلو تشوفه (ومش عشاشة... التلفزيون شي مرة)، تشوفه وتشارك فيه عن قريب... يلا قوم وغسّل وجّك

بس شو حققوا بكل هالسنيين؟ حقك تسأل... وصحيح ما حققوا كثير بس حققوا إشي بتخليهم يستمروا اليوم تيققوا أكثر... وممكن يققوا أكثر بكثير كمان إذا قمت وخطيت إيدك بإيدهم وعدّبت حالك ورحت على بيت المحامي... تبحسّ المندوب الأجنبي والمسؤول المحلي أنو ورا... هالمفقودين في أهلهم، وورا أهلهم في ناس وفي رأي عام

ليش في رأي عام بلبنان؟ بتعرف أنو إنت جزء من الجواب، رح إتركك تفكر...

بس إذا حسمت أمرك وقمت... وجيت، بنصحك تجي بالنقل العام وتنزل عالمتحف أو عالعدلية... وتكّفي مشي ما بتاخذ معك أكثر من دقيقتين أو ثلاثة... وإذا بعدين كمان بدك تكّفي معهم (يا ريت) إكتبلن على kidnapped961@yahoo.com

تابعوا حملة [حقنا نعرف](#)

الدعوة عامة

الموضوع: تسليم أهالي المفقودين إلى الصليب الأحمر الدولي بإشراف نقيب المحامين في بيروت نسخة عن ملف تحقيقات اللجنة الرسمية لعام 2000
المكان: بيت المحامي، على الجادة بين المتحف وقصر العدلية، الأوديتوريوم ألتابق الخامس
الزمان: الثلاثاء 16 كانون الأول 2014 الساعة الحادية عشرة من قبل الظهر، مدة الحفل 60 دقيقة



من الإعتصام مقابل السراي الحكومي لتسليم أهالي المفقودين كامل ملف التحقيقات - ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤



من الإعتصام مقابل السراي الحكومي لتسليم أهالي المفقودين كامل ملف التحقيقات – ١٨ أيلول ٢٠١٤